

Naqqiut

(Saqqummiussaq nr. UPA2010/90/93/105/110/111/112 12. marts 2010-imeersaq taaserpaa)

Ukununnga siunnersuutit:

Aningaasanik peqquserluutinik malunnarunnaarsaalluni iluanaarniuteqartarnerit pinerliinianillu aningaasalersuisarnerit pitsaaliorniarlugit iliuuserisassat pillugit Inatsisartut inatsisissaattut siunnersuut (UPA2010/110)

Aningaasanik nuussinerni akiliisoq pillugu paasissutissanik nassiussisarnissaq Inatsisartut inatsisissaattut siunnersuut (UPA2010/111)

Inunnut aalajangersimasunut aamma ataatsimoortunut Usama bin Laden-imut, Al Qaida-mi suleqatigiiffinnut aamma Taliban-inut attuumassuteqartunut killilersuinermik isumannaallisaatinik atuutilersitsinissamut tunngatillugu Inatsisartut inatsisaat (UPA2010/100), aamma

Pinerliiniarnernik akiuniarluni iliuuserisassat immikkut ittut pillugit Inatsisartut inatsisaat (UPA2010/103), aamma

Nioqqutissanik eqqussuineq aallarussuinerlu pillugit inatsisartut inatsisaata kingullermik inatsisartut inatsisaatigut 2. november 2006-imi allangortinneqarsimasup allangortinnissaa pillugu Inatsisartut inatsisissaatut siunnersuut. (Aningaasat tigorianaat pillugit misissuisinnaatitaaneq) (UPA2010/90)

Taamattaaq makku pillugit Namminersorlutik Oqartussat oqaaseqaateqarnissaat Inatsisartunut aalajangiiffigisassatut siunnersuutit sisamat saqqummiunneqarput: Aningaasanik peqquserluutinik malunnarunaarsaalluni iluanaarniuteqartarnerit pinerliinianillu aningaasalersuisarnerit pitsaaliorniarlugit iliuuserisassat pillugit inatsisip Kalaallit Nunaannut atuutilernissaanut aaqqiissut (UPA2010/112)

Taamattaaq makku pillugit Namminersorlutik Oqartussat oqaaseqaateqarnissaat Inatsisartunut aalajangiiffigisassatut siunnersuutit sisamat saqqummiunneqarput: Aningaasanik nassiussinerni akiliisoq pillugu paasissutissanik nassiussisarnermut inatsit (UPA2010/93)

Taamattaaq makku pillugit Namminersorlutik Oqartussat oqaaseqaateqarnissaat Inatsisartunut aalajangiiffigisassatut siunnersuutit sisamat saqqummiunneqarput: Inuit ilaannut peqatigiillu ilaannut Osama bin Laden-imut attuumassuteqartunut, pinerliinianut Al Qaida-mut ilaasortanut kiisalu Taleban-imut attuumassuteqartunut killilersuutitut iliuuserisassanik aalajangersimasunik Kalaallit Nunaannut atuutsitsilernissamut aaqqiissut (UPA2010/94)

Taamattaaq makku pillugit Namminersorlutik Oqartussat oqaaseqaateqarnissaat Inatsisartunut aalajangiiffigisassatut siunnersuutit sisamat saqqummiunneqarput: Pinerliiniarnernik akiuniarluni iliuuserisassat immikkut ittut pillugit Kalaallit Nunaannut aaqqiissut (UPA2010/105)

Saqqummiussaq

(Inuussutissarsiornermut Aatsitassanullu Naalakkersuisoq)

Siullermeerneqarnera

Aningaasanik peqquserluutinik malunnarunnaarsaanermi aningaasarsiornermi ingerlatsiviit sammisaqarfiillu aningaasanik peqquserluutinik malunnarunnaarsaanernut pinerliinianillu aningaasalersuisarnernut atorneqarnissaannut pitsaaliuinialuni iliuuserisassanik annertunerusunik atuutsitsilernerit ataatsimoortumik inatsisiliornissami pineqarput.

Taamaammat inatsisissamik ataatsimoortumik Inatsisartut inatsisissaannut siunnersuutinik katillugit pingasunik siunnersuutitalinnik kiisalu siunnersuutinik katillugit sisamanik Inatsisartut aalajangiiffigisassaattut siunnersuutinik Naalakkersuisut saqqummiussipput:

Inuussutissarsiornermut Suliffeqarnermullu Naalakkersuisoqarfimmit inatsisissatut siunnersuutinik marlunnik kiisalu Aningaasaqarnermut Naalakkersuisoqarfimmit inatsisissatut siunnersuummik ataatsimik saqqummiussisoqarpoq. Taakkulu tassaapput

1. Aningaasanik peqquserluutinik malunnarunnaarsaalluni iluanaarniuteqartarnerit pinerliinianillu aningaasalersuisarnerit pitsaaliorniarlugit iliuuserisassat pillugit Inatsisartut inatsisissaattut siunnersuut.
2. Aningaasanik nuussinerni akiliisoq pillugu paasissutissanik nassiussisarnissaq Inatsisartut inatsisissaattut siunnersuut
3. Pinerliiniarnernik akiuinialuni iliuuserisassat immikkut ittut pillugit Inatsisartut inatsisaattut siunnersuut.
4. Pinerliiniat nalunaarsorsimaffiat pillugu Inatsisartut inatsisaattut siunnersuut.
5. Nioqqutissanik eqqussuineq aallarussuinerlu pillugit inatsisartut inatsisaata kingullermik inatsisartut inatsisaatigut 2. november 2006-imi allanngortinneqarsimasup allanngortinnissaa pillugu Inatsisartut inatsisissaatut siunnersuut. (Aningaasat tigoriaannaat pillugit misissuisinnaatitaaneq)

Taamattaaq makku pillugit Namminersorlutik Oqartussat oqaaseqaateqarnissaat Inatsisartunut aalajangiiffigisassatut siunnersuutit sisamat saqqummiunneqarput:

6. Aningaasanik peqquserluutinik malunnarunnaarsaalluni iluanaarniuteqartarnerit pinerliinianillu aningaasalersuisarnerit pitsaaliorniarlugit iliuuserisassat pillugit inatsisip Kalaallit Nunaannut atuutilernissaanut aaqqiissut.
7. Aningaasanik nassiussinerni akiliisoq pillugu paasissutissanik nassiussisarnernumut inatsit.
8. Pinerliiniarnernik akiuinialuni iliuuserisassat immikkut ittut pillugit Kalaallit Nunaannut aaqqiissut.

9. Pinerliiniat nalunaarsorsimaffiat pillugu Kalaallit Nunaanni peqqussut.

Siunnersuutit taaneqartut akuerineqarnerisigut inatsimmi sammineqartunut aamma ilanngunneqassapput suliffeqarfiit aningaasarsiormik isumaginnittut kisimik pinnagit, aammali inuit allat aamma suliffeqarfiit allat. Inuit allat tassaapput inatsisilerituut aamma kukkunerisuiusut, sullitat kinaassutsiminnik uppersaammik takutitsinatik sinnerlugit suliaqakkajuttartut. Taamaammat inatsisilerituut, assersuutigalugu aningaaserivimmi sulisut assigalugit, sullitaminnut aningaasanik pinerluutiniq malunnarunnaarsaaneq pinerliinianiillu aningaasalersuinissaq siunertaralugu, kiffartuussinermi atornerlunneqannginnissartik qulakkeertussaavaat.

Aaqqiissutit aningaasanik pinerluutiniq malunnarunnaarsaaneq pillugu suliani *naalagaaffimmi inatsimmik* atuutereersumik nutarterinerupput.

Naalagaaffimmi sammisami tassani inatsit pioreersoq nammineerutigalugu Namminersorlutik Oqartussat ilassuteqartippaat, taamaalilluni aningaasanik pinerluutiniq malunnarunnaarsaaneq pinerliinianiillu aningaasalersuinerit pitsaaliorniartugit iliuusissaniq atuutsitsilerneqarpoq.

Tamatununga peqqutaavoq, sammisami Namminersorlutik Oqartussat namminneerlutik inatsisiniq atuutsitsilertussaammata, Kalaallit Nunaanni suliffeqarfiit Kalaallit Nunaanni aningaasanik nuussisartut pillugit sammisaammat akisussaaffittaa tiguneqareersimasoq, taamaaliornikkullu sammisami nunat tamat malittarisassaata suliffeqarfinnut tamakkununga aamma iluarsineqartussaallutik.

Inatsisartut inatsisaata Aaqqiissutillu ataatsimoorlutik nunat tamat malittarisassaata taakkununga tunngavigineqartut eqquutsilissavaat. Aningaasanik pinerluutiniq malunnarunnaarsaaneq pillugu inatsimmi pineqarput toqqaannangitsumik pisussaaffeqarneq il.il., kiisalu aningaasanik nuussinermi akiliisoq pillugu paasissutissanik nassiussisarneq pillugu inatsit, soorlu taaguutaata nassuiarnerigaa.

Aningaasanik nuussinermi akiliisoq pillugu paasissutissanik nassiussisarneq Inatsisartut inatsisissaattut inatsisissatut siunnersuutip, ilaangitsut ilaat eqqaassanngikkaanni uuma assigaa; ”aningaasanik nuussinermi akiliisoq pillugu paasissutissanik nassiussisarneq Kalaallit Nunaannut inatsisissatut siunnersuut”, ataatsimiinnermi matumani aamma Inatsisartunut saqqummiunneqartussaasoq.

Aningaasanik nuussinermi akiliisoq pillugu paasissutissanik nassiussisarnissaq EU-mi peqqussut inatsisit ataatsimoorlutik eqquutsilissavaat.

Nioqqutissanik eqquusuineq aallarussuinerlu pillugit inatsisartut inatsisaanut allannguutissatut siunnersuutip qulakkiissavaa, inuit tikittut aallartullu aningaasanik tigoriaannarnik 15.000 europ nalingi sinnerlugit tigummiqartut akileraartarnermut ingerlatsiviup misissuiffiginissaannut pisinnaatitaalernissaa. Inuup aningaasat tigoriaannaat 15.000 europ nalingi sinnerlugit tigummiarunigit, pineqartup aningaasat nassatani tamaasa akileraartarnermut ingerlatsivimmum nalunaarutigissavai. Taamattaq aalajangersakkatut ilanngunneqarpoq aningaasanik arsaarinnittoqarsinnaanera pillugu, pinerluttulerinermut

inatsit unioqqutillugu aningaasat pissarsiarineqarsimasut imaluunniit atorniarneqartut tunngavissaqartumik aarlerissutigineqarpat.

Pinerliiniarnernik akiuiniarluni iliuuserisassat immikkut ittut pillugit kiisalu inunnt aalajangersimasunut aamma ataatsimoortunut Usama bin Laden-imut, Al Qaida-mi suleqatigiiffinnut aamma Taliban-inut attuumassuteqartunut killilersuinermik isumannaallisaatinik atuutilersitsinissamut tunngatillugu Inatsisartut inatsisaanni peqqussutinilu pineqarput pinerliiniat ilisimaneqarluartut pinerliiniarnissaat pinngitsoortinniarlugit suliniutit aallartinneqareersimasut, Inatsisartullu inatsisaanni peqqussutinilu marlunni pinerliiniat ilisimaneqarnerpaat aqqisa nalunaarsorsimaffiat ataavartumik nutarterneqartuortoq innersuussutigineqarpoq.

Taakkuuppullu Naalakkersuisuniit oqaaseriniakkagut. Sammisaq pillugu isumatusaartumik maani Inatsisartuni oqallinnissamut qilanaarpunga.

Qujanaq.